

1507

C O D I C E S

1508

nacionibus vestris perhorrescens timo. Quia cum me ipsum intueor &c.

CCCCV.

388 Codex membraneus lat. Sec. XV. Folior. 251. 4. currente calamo minute duabus columnis perscriptus complectitur: I. sine Autoris nomine Tractatum de *Veritate sacrae Scripturae*, qui Capitibus XXXII. constat, et absque ullo Praefamine a C. I. sic incipit: *Restat parumper discutere errores et concordias (discordias?) circa sensus scripture hodie plus solito seminatos. tum quia in illa consistit salus fidelium. tum quia illa est fundamentum cuicunque opinioni catholice &c.* Finis C. ult. *Et ut planius intelligatur tractatus de Symonia quem si deus voluerit propono diffusus pertractare.* Tractatum hunc pertinere ad *Johannem Wiclefium*, qui circa annum 1360. Romanam Sedem in *Anglia* oppugnare coepit, testis est *Joh. Baleus in Scriptt. Brit. Cent. VI. edit. Basil. 1557. p. 450.* et *Tb. Tannerus in Bibl. Brit. p. 769.* quorum uterque ejus principium recitat. *Guil. Caveus* nunquam illum vidit, sed tantum e *Tb. Iamesii Apologia Wiclefi* anglice *Oxonii 1608. 4.* edita memorat *Vol. II. p. 65.* manu descriptum; neque enim typis excusus est, quod fatum plurimae *Wiclefi* lucubrationes habent, quae in *Angliae* Bibliothecis conduntur. Exemplum nostrum, ut multa alia ejusdem Au-

toris, per *Bobemos* studiorum caussa *Oxonium* frequentantes in continentem advectum est. Legitur enim ad oram infimam fol. ult. *Correctus gnauiter anno domini 1407. in uigilia purificationis sancte Marie Oxonii per Nicolaum faulfs et Georgium de knyebnicz*, quorum prior ad familiam *M. Hieronymi* dicti *Pragensis* pertinuisse videtur. Index alphabeticus, qui *Tractatum* excipit, ab his adjectus fuerit. Et hic et sequentes saepius in *Indice* recurrunt.

II. fol. 128. sequitur Tractatus de *Ecclesia* constans Capitibus XXIII. hujus initii: *Quia non nulli eciam illi qui videntur esse aliquid discordant in materia de quiditate ecclesie. et fides est ecclesia que deberet in christianis omnibus esse una, decet christianos cognoscere matrem suam &c.* Hunc quoque Tractatum in *Anglia* scriptum fuisse patet e narratione C. 7. de *duobus Viris armorum hominibus* (gens d'armes) regis, qui rei inobedientiae exierunt *Contra mandatum regis violente de carcere et prostrato custode carceris intrarunt septa Westmonasteriensia in quibus vendicarunt omnino exui a subiectione regis ex illius ecclesie libertate &c.* Regem hunc suum vocat Autor, cumque in hoc *Tractatu* apertius insurgat in Pontificem *Rom.* quam in priore, vix fallar, si hunc etiam *Wiclefo* adscripsero. Citantur quidem duo Ejus *Tractatus* a *Tannero*, unus inscriptus de *Ecclesia et Membris*, alter de *Ecclesia Catholica*,

1509

P O L E M I C I.

1510

tholica, quem etiam *Baleus* memorat; neuter vero incipit, ut *Noster*. Itaque initia, quae illi citant, sunt *Prologi*, qui a *Cod.* nostro abest, vel nullam *Traſtatus* nostri Notitiam habuere, quod in tanta Scriptorum *Wicleſi* farragine mirandum non est. Potuisse autem illum pluries sub eodem Titulo *de Ecclesia* scribere, inde patet, quod etiam duos diversos *Traſtatus de Veritate S. Scripturae* ediderit, ut habes apud *Tanner. cit. p. 769.* Finit *Noster: licet profint per accidens. de isto alibi. Explicit traſtatus de Sancta matre ecclesia.* Sequitur Index alphabeticus.

III. fol. 212. *Incipit liber de dominio.* Sunt vero *Libri III.* quorum II. et III. inscribuntur *de Dominio diuino.* Primus constans *Capp. 19.* incipit: *Cum quilibet christianus et specialiter Theologus mori debeat virtuosus &c.* Secundus *Capp. censet 5.* Tertius 6. et finit: *et illud quod quis ministrat sine debito secundum legem humanam donare dicitur.* Cum omnes hi tres *Traſtatus* haecenus indicati eadem manu scripti, notulisque per margines adſperſi ſint, non dubitem, hunc quoque *Wicleſo* tribuere. Scripsisse eum *de Dominio diuino, de Ecclesiae Dominio* et *de Dominio civili* vades sunt *Autores ſuprac.* quamvis alia horum *Librorum* initia adferant. Sed adplica hic, quae ad *Traſtatum* praecedentem dixi. Et fortasse plurima eorum *Exempla* flammis tradita sunt, antequam a *Bibliographis* adnotari potuere.

Denis Codd. Theol. V. I. P. II.

Codicem utrinque ambit membrana donationis quorundam *Bonorum* ad *Altare D. Nicolai* in ecclesia *Parochiali Civitatis Mezyrzyecz* (*Meſeritz Morav.*) cum onere 4. *Missarum* per *Hebdomadem*, et *Anniverſarii* post festum *S. Procopii* celebrandi, erogandaeque ſtipis. *Collatores Nicolaus de Mezyrzyecz* et *Briccius* dictus *Balaſ.* Act. *ſub anno domini M^o CCCC^o primo. In die ſanctae Gertrudis.*

CCCCVI.

Codex chartaceus lat. Sec. 911 XV. Folior. 242. 4. nitide exaratus, et rubricis enotatus in *Bohemia* continet: I. *Traſtatum de anima Magistri Johannis Sarp*, rectius *Sharp.* *Traſtatus* hic incipit: *Utrum anima intellectiva est quodammodo omnia &c.* et quatuor *Articulis*, totidemque *Libris* constat; quorum I. est *concernens naturam anime humane intellectivae*, II. *concernens potentiam ipsius anime intellectivae*, III. *concernens modum intelligendi*, IV. *concernens actum intelligendi.* Hi *Libri* rursus in *Capitula* diſpeſcuntur. *Extrema* sunt: *Explicit traſtatus Magistri Johannis Sarp. Bud bobu chwala. In te domine confido.* Quatuor *Exempla* mſs. *Psychologiae* hujus *Aristotelicae* e *Bibliothecis Oxon.* citat *Tannerus* in *Bibl. Brit. Hib.* p. 665. ubi et in *Autorem* noſtrum, et in *Lelandum*, qui hunc ob *controverſias* cum *Vicoſclivianis* habitas laudat, invehitur, quafi

U